



v Menu

 HOME

OGLASI

• KONKURSI

● JAVNE NABAVKE

● ZAVRŠENE JAVNE NABAVKE

i VIJESTI 122 I SAOPĆENJA

≡ AKTUELNO

 GRAĐANSTVO

INFORMACIJE

 LINKOVI

Arhiva saopštenja


Oktober 2024						
Po	Ut	Sr	Ce	Pe	Su	Ne
30	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31	1	2	3

Uspješnom akcijom policije na području Zeničko-dobojskog kantona pronađeno i oduzeto oko 3 kg opojne droge

© Objavljeno petak, 25 Oktobar 2024 15:25

 Klikova: 77

Dana 25.10.2024. godine, oko 09,20 sati, policijski službenici Policijske stanice Olovo su u okviru pojačanih aktivnosti prilikom kontrole vozila na magistralnom putu M-18 na lokaciji Pilana, općina Olovo zaustavili i kontrolisali putničko motorno vozilo, marke "Seat", kojim je upravljao R.H. (1997) iz Lukavca. Izvršenim pregledom navedenog vozila u unutrašnjosti istog pronađeno je više od 2 kilograma praškaste materije koja asocira na opojnu drogu "Speed". Pronađena materija je oduzeta, a lice R. H. je lišeno slobode i sprovedeno u službene prostorije Policijske stanice Olovo gdje je nad istim zavedena kriminalistička obrada. Na licu mjesta izvršen je uviđaj od strane policijskih službenika Policijske stanice Olovo, te će oduzeta materija biti predmet vještačenja.



U sklopu pojačanih aktivnosti naloženih sa nivoa Uprave policije sprovedena je uspješna policijska aktivnost i na području Policijske stanice Tešanj, gdje je nakon prikupljenih operativnih saznanja da se osoba H.A., (1980), iz Tešnja, može dovesti u vezu sa izvršenjem krivičnog djela "Neovlaštena proizvodnja i stavljanje u promet opojnih droga", u skladu sa naredbom Općinskog suda u Tešnju izvršen pretres kuće i pomoćnih prostorija koje koristi navedeno lice, te je tom prilikom pronađeno i oduzeto sljedeće;

Takode, prilikom pretresa pronađen je jedan gasni pištolj, za koji H.A. nema izdatu dozvolu za posjedovanje vatrenog oružja kategorije „C“. Navedeni pištolj je privremeno oduzet, te će protiv H.A. Općinskom sudu u Tešnju biti upućen Zahtjev za pokretanje prekršajnog postupka. Osumnjičeno lice H.A. je lišeno slobode i zadržano u prostorijama za zadržavanje, te je nad istim provedena kriminalistička obrada.

U sklopu navedenih aktivnosti policijski službenici Odsjeka kriminalističke policije, Policijske uprave I su po naredbi Općinskog suda u Zenici izvršili pretrase kuće i pomoćnih prostorija koje koristi lice E.S. (2002) iz Zenice. Tom prilikom pronađeno je i oduzeto sljedeće;

1. Praškasta materija, koja asocira na opojnu drogu "Speed", težine oko 200 grama,
2. Biljna materija, koja asocira na opojnu drogu "Marihuana", težine oko 20 grama,
3. Dvije digitalne vage za precizno mjerenje,
4. Jedna ručna bomba M-75 i
5. Dva gasna pištolja.

Osumnjičeno lice E.S. je lišeno slobode i sprovedeno u službene prostorije Odsjeka kriminalističke policije Policijske uprave I gdje je nad istim zavedena kriminalistička obrada.

Nakon kompletiranja obavještenja i dokaza, protiv lica R.H., H.A. i E.S. će Kantonalnom tužilaštvu Zeničko-dobojskog kantona biti dostavljen izvještaj o počinjenom krivičnom djelu "Neovlaštena proizvodnja i stavljanje u promet opojnih droga" iz člana 238. Krivičnog zakona Federacije BiH .

Pronalazak navedene količine opojnih droga, rezultat je pojačanih i planskih aktivnosti Uprave policije MUP-a ZDK, te je potvrda naše opredjeljenosti za nastavak odlučne borbe na preveniranju i sankcionisanju krivičnih djela u vezi zloupotrebe opojnih droga.

Odsjek za odnose sa javnošću, analitiku i planiranje

